



**Broj: 01-84/19**  
**Vareš, 29.04. 2019. godine**

**Z A P I S N I K**  
**sa 25. sjednice Općinskog vijeća Vareš,**  
**održane 27.03. 2019. godine**

Predsjedavajući OV pozdravio je sve prisutne.

Izvršena je prozivka vijećnika.

**Prisutni vijećnici:** Mirnes Ajanović, Adis Čizmo, Dženan Džafo, Ilhana Fatić, Nermin Hrvat, Emir Islamović, Kenan Kamenjaš, Demo Kevrić, Lidija Miletović Berberović, Mario Mirčić, Safeta Muftić, Anel Muftić, Nedžad Mušanović, Kruno Riđić, Branko Romić, Elvir Rožajac, Igor Šimić i Nikola Šimić.

**Odsutni:** Fadila Turki.

Adis Čizmo – predsjedavajući Općinskog vijeća Vareš konstatuje da Vijeće može raditi jer ima kvorum za rad sjednice.

Predsjedavajući OV otvorio je 25. sjednicu s početkom u 13,00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnici Općinskog načelnika – gosp. Ermin Musa, Čedomir Jelić i gosp. Ibrahim Spahić, rukovodilac JURA – gosp. Rusmir Berberović, v.d direktor Centra za kulturu i edukaciju Vareš – gosp. Stjepan Šimić, komandir PVJ – gosp. Izudin Muftić, predsjednica Komisije za procjenu prometne vrijednosti nekretnina – gosp. Adaleta Pezo, ispred Službe za privredu, finansije i trezor – gosp. Boro Anđić i gosp. Dragan Orozović, savjetnici Općinskog načelnika – gosp. Šeila Musa i gosp. Malik Likić, predsjednici političkih partija i predstavnici medija.

Sekretar OV Leon Pavlović izvijestio je Vijeće o zaključcima i odgovorima na postavljena vijećnička pitanja sa 24. sjednice OV održane 28.02.2019. godine. Na 24. sjednici nije bilo zaključaka. Postavljeno je sedam (7) vijećničkih pitanja. Na sva pitanja usmeno je odgovorio Općinski načelnik na samoj sjednici, isti odgovori su dostavljeni i pismeno podnosiocima vijećničkih pitanja.

Općinski načelnik gosp. Zdravko Marošević u okviru aktuelne problematike na području općine Vareš za današnju sjednicu izvijestio je Vijeće o redovnim aktivnostima organa uprave planiranim aktivnostima poslije zimskog perioda (sanacija infrastrukture, zelenih površina i sl.). Informisao je Vijeće o proteklim posjetama Općini Vareš ambasada Njemačke i Engleske, delegacije CRS-a i planiranoj posjeti općini Bihać u vezi moralne i materijalne podrške vezano za migrantsku krizu. Također je informisao OV o problemima i teškoj situaciji u zadnja tri mjeseca u Općini zbog neuspostavljanja Vlade ZDK. Dao je pojašnjenje.

## *(Vijećnička pitanja)*

### **Vijećnička pitanja**

#### **Kruno Ridić**

1. Zatražio je ispred stanara K - objekata da im se pruži pomoć kako bi mogli da riješe problem hidranata i crijeva za gašenje požara. ( dao je pojašnjenje).
2. Možemo li ove godine nešto uraditi za penzionere, kako bi im pomogli da nabave ogrijev na vrijeme, po cijenama koje su pristupačne za tu kategoriju ljudi ? ( dao je pojašnjenje).

#### **Elvir Rožajac**

3. Dokle je došlo sa prekategorizacijom puta Šimin potok-Ravne-Crna Rijeka , i da li su te inicijative poslane i prema Sarajevskom kantonu ? ( dao je pojašnjenje) .
4. Da li se šta može uraditi oko problema vezanog za mačke koje se nalaze po stubištima zgrada ? ( dao je pojašnjenje) .

#### **Safeta Muftić**

5. Pitanje postavila ispred mještana naselja Selište ( dio ispod Gašine stijene): Ko upravlja dijelom šume u dijelu pomenutog naselja ? ( dala je pojašnjenje) .
6. Pitanje upućeno Elektroprivredi: Kad će završiti započete radnje na strujnom vodu između kuće Rosić i novoizgrađene kuće gosp. Pere Jelića – naselje Novakovići – Ljepovići ? ( dala je pojašnjenje) .

#### **Emir Islamović**

7. Pitanje postavio JKP d.o.o. Vareš: Kad će postaviti filtere na izvorište vrelo Zubeta ? ( dao je pojašnjenje) .

#### **Đemo Kevrić**

8. Zašto se ne vrše u posljednje vrijeme kapitalna ulaganja u općinu Vareš ? ( dao je pojašnjenje) .
9. Pitanje postavio JKP d.o.o. Vareš: Kada će početi sa izradom niša za kontejnere po mjesnim zajednicama ? ( dao je pojašnjenje) .

Općinski načelnik dao je usmene odgovore na postavljena vijećnička pitanja na samoj sjednici.

Predsjedavajući OV stavio je na raspravu Zapisnik sa 24. sjednice OV.

Nije bilo primjedbi i predsjedavajući OV stavio je na izjašnjavanje Zapisnik sa 24. sjednice OV i nakon izjašnjavanja vijećnika konstatuje da je **jednoglasno sa (16 glasova „ZA“)** (odsutni vijećnici: Igor Šimić i Branko Romić) **usvojen Zapisnik sa 24. sjednice OV.**

Predsjedavajući OV stavio je na raspravu prijedlog dnevnog reda za 25. sjednicu OV koji je usaglašen na Kolegiju Općinskog vijeća.

Općinski načelnik Zdravko Marošević izjavio je da sa dnevnog reda povlači tačku 15. „Informacija o stanju u oblasti privrede i nezaposlenim licima koja se vode kod biroa za zapošljavanje Vareš po kvalifikacionoj, starosnoj i polnoj strukturi“. O istom je dao pojašnjenje.

Predsjedavajući OV predložio je dopunu dnevnog reda sa novom tačkom 15. „Prijedlog Zaključka o davanju saglasnosti JU Centar za socijalni rad Vareš o otvaranju deviznog računa za uplatu sredstava stranih donatora“.

Predsjedavajući OV stavio je na izjašnjavanje prijedlog dopune dnevnog reda 25. sjednice OV.

Nakon izjašnjavanja predsjedavajući OV konstatuje da je prijedlog za dopunu dnevnog reda 25. sjednice OV **jednoglasno sa (16 glasova „ZA“)** (odsutni vijećnici: Igor Šimić i Branko Romić) **usvojen.**

Predsjedavajući OV stavio je na izjašnjavanje prijedlog dnevnog reda za 25. sjednicu OV sa usvojenom izmjenom i dopunom.

Nakon izjašnjavanja vijećnika predsjedavajući OV konstatuje da je **jednoglasno sa (16 glasova „ZA“)** (odsutni vijećnici: Igor Šimić i Branko Romić) **usvojen sljedeći**

### *Dnevni red*

1. Izvještaj/Izvješće o izvršenju budžeta/proračuna općine Vareš za period januar/siječanj – decembar/prosinac 2018. godine.  
Izvjestilac: Općinski načelnik.
2. Izvještaj od radu Općinskog načelnika za 2018. godinu.  
Izvjestilac: Općinski načelnik.
3. Prijedlog Odluke o poništavanju Odluke Općinskog vijeća Vareš broj: 01-36/18 od 28.02.2018. godine.  
Izvjestilac: Ermin Musa.
4. Prijedlog Odluke o usvajanju Strategije omladinske politike na području općine Vareš za period 2019-2024. godine.  
Izvjestilac: Čedomir Jelić.
5. Prijedlog Odluke o usvajanju Strategije razvoja kulture, turizma i sporta na području općine Vareš za period 2019-2024. godine.  
Izvjestilac: Čedomir Jelić.

- 6.** Prijedlog Odluke o otpisu potraživanja po osnovu Ugovora o kupoprodaji stana OPU-IP: 27/11 od 25.01.2011. godine.  
Izjestilac: Ermin Musa.
- 7.** Prijedlog Zaključka o davanju saglasnosti Općinskom načelniku za zaključivanje Ugovora o otplati kreditnog zaduženja za Lulić (Kadrije) Envera iz Stupnog Dola, Vareš Majdan.  
Izjestilac: Ermin Musa.
- 8.** Analiza implementacije Strategije razvoja poljoprivrede općine Vareš za period 2014-2018. godine.  
Izjestilac: Općinski načelnik.
- 9.** Prijedlog Zaključka o produženju perioda provođenja Strategije razvoja poljoprivredne proizvodnje na području općine Vareš za period 2014.-2018. godine.  
Izjestilac: Općinski načelnik.
- 10.** Program utroška sredstava sa kriterijima raspodjele sredstava „Subvencije za razvoj poljoprivrede“ utvrđenih budžetom Općine Vareš za 2019. godinu.  
Izjestilac: Općinski načelnik.
- 11.** Izveštaj o radu Savjeta mjesnih zajednica sa područja općine Vareš u 2018. godini.  
Izjestilac: Općinski načelnik.
- 12.** Izveštaj o stanju zaštite od požara na području općine Vareš sa akcentom na realizaciju Plana zaštite od požara.  
Izjestilac: Ibrahim Spahić.
- 13.** Izveštaj o rješavanju upravnih stvari u upravnom postupku svih općinskih službi za upravu u 2018. godini.  
Izjestilac: Općinski načelnik.
- 14.** Izveštaj Komisije za procjenu prometne vrijednosti nekretnina za 2018. godinu.  
Izjestilac: Komisija.
- 15.** Prijedlog Zaključka o davanju saglasnosti JU Centar za socijalni rad Vareš o otvaranju deviznog računa za uplatu sredstava stranih donatora.  
Izjestilac: Općinski načelnik.
- 16.** Informacija o provedenim aktivnostima u okviru projekta „LIFE“ u 2018. godini.  
Izjestilac: Rusmir Berberović.
- 17.** Tekuća pitanja.

## **Ad. 1.**

*(Izveštaj/Izvešće o izvršenju budžeta/proračuna Općine Vareš za period januar/siječanj-decembar/prosinac 2018. godine.)*

Komisija za privredu, finansije i budžet na 14. sjednici održanoj 25.03. 2019. godine jednoglasno je donijela Zaključak:

- Komisija prihvata Izveštaj/Izvešće budžeta/proračuna Općine Vareš za period januar/siječanj – decembar/prosinac 2018. godine sa preporukama Općinskom načelniku i nadležnoj službi da se mjerama i aktivnostima izvrši racionalizacija troškova i da se krene sa realizacijom Odluke o trezorskom poslovanju.

Otvorena je rasprava u kojoj su iznijeli svoja mišljenja, stavove prijedloge i primjedbe vijećnici: Kruno Riđić (skrenuo pažnju na potrebu efikasnije naplate potraživanja Općine Vareš), Elvir Rožajac, Emir Islamović, Mirnes Ajanović (postavio pitanje da li postoji mogućnost da se uputi dopis austrijskoj ambasadi u vezi eventualne pomoći za restauraciju starih objekata na području općine Vareš – Senat, Parlament, o istom dao pojašnjenje), Safeta Muftić (traži od Službe za finansije da za narednu sjednicu OV, pripreme i dostave spisak pravnih i fizičkih lica jer se duguje preko 1.100.000 KM, dostaviti i period dugovanja - obaveza po godinama vezano za neplaćene poreze i doprinose na plaće), Mario Mirčić, Demo Kevrić (skrenuo pažnju na procent povrata sredstava od šuma, potrebno je znati podatak koliko je mjesečna masa vrijedila koja je otišla sa naše općine) i Općinski načelnik Zdravko Marošević koji je izjavio da uvažava sve primjedbe i sugestije iznesene u raspravi i podsjetio Vijeće da svi trebaju raditi na punjenju budžeta. U svom obraćanju odgovorio je na pitanja postavljena u raspravi i dao dodatna pojašnjenja.

Zaključena je rasprava i predsjedavajući OV stavio je na izjašnjanje Izveštaj/Izvešće o izvršenju budžeta/proračuna Općine Vareš za period januar/siječanj – decembar/prosinac 2018. godine uz *Zaključak Komisije za privredu, finansije i budžet i*

### **Zaključak:**

- *za narednu sjednicu OV u Informaciji o aktivnostima Općinskog načelnika po pitanju izmirenja duga Općine Vareš po Rješenju Kantonalnog Poreznog ureda Zenica, koja je po Programa rada OV planirana za razmatranje, izvršiti dopunu iste sa obavezama prema pravnim i fizičkim licima.*

Nakon izjašnjanja vijećnika predsjedavajući OV konstatuje da je sa **14 glasova „ZA“ i 2 glasa „PROTIV“** (odsutni vijećnici: Igor Šimić i Branko Romić) **uz zaključke usvojen**

*Izveštaj/Izvešće o izvršenju budžeta/proračuna Općine Vareš za period januar/siječanj – decembar/prosinac 2018. godine.*

## **Ad. 2.**

*(Izveštaj o radu Općinskog načelnika za 2018. godinu.)*

Otvorena je rasprava u kojoj su iznijeli svoja mišljenja, stavove prijedloge i primjedbe vijećnici: Elvir Rožajac, Kruno Riđić (postavio pitanje u vezi određenih projekata put Strica-Zaruđe, vodovod Pogar i sl.), Mirnes Ajanović, predsjedavajući OV Adis Čizmo (predložio Općinskom načelniku da u narednom Izveštaju o radu, službe navedu obrazloženje i razlog za nerealizovane projekte), Emir Islamović, Demo Kevrić i Općinski

načelnik Zdravko Marošević koji je u svom obraćanju dao dodatna pojašnjenja i odgovorio na pitanja postavljena u raspravi.

Zaključena je rasprava i predsjedavajući OV stavio je na izjašnjavanje Izvještaj o radu Općinskog načelnika za 2018. godinu.

Nakon izjašnjavanja vijećnika predsjedavajući OV konstatuje da je **sa 16 glasova „ZA“ i 2 „SUZDRŽANA“ glasa usvojen**

***Izvještaj o radu Općinskog načelnika za 2018. godinu.***

**Ad.3.**

*(Prijedlog Odluke o poništavanju Odluke Općinskog vijeća  
Vareš broj: 01-36/18 od 28.02. 2018. godine.)*

Komisija za statutarna pitanja i propise na 17. sjednici održanoj 25.03.2019. godine jednoglasno je donijela sljedeći Zaključak:

- Komisija nema primjedbi na Prijedlog Odluke o poništavanju Odluke Općinskog vijeća Vareš broj: 01-36/18 od 28.02. 2018. godine, te je upućuje Vijeću na razmatranje.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o poništavanju Odluke Općinskog vijeća Vareš broj: 01-36/18 od 28.02. 2018. godine.

Nakon izjašnjavanja vijećnika predsjedavajući OV konstatuje da je **jednoglasno sa (18 glasova „ZA“) usvojena**

***Odluka o poništavanju Odluke Općinskog vijeća  
Vareš broj: 01-36/18 od 28.02. 2018. godine***

**Ad.4.**

*(Prijedlog Odluke o usvajanju Strategije omladinske politike  
na području općine Vareš za period 2019-2024. godine.)*

Komisija za statutarna pitanja i propise na 17. sjednici održanoj 25.03.2019. godine jednoglasno je donijela sljedeći Zaključak:

- Komisija nema primjedbi na Prijedlog Odluke o usvajanju Strategije omladinske politike na području općine Vareš za period 2019-2024. godine, s tim da se u članu 1. ispravi naziv Strategije i navede naziv „Strategija omladinske politike na području općine Vareš za period 2019-2024. godine“, te je upućuje Vijeću na razmatranje.

Komisija za pitanja mladih na 2. sjednici održanoj 18.03.2019. godine jednoglasno je donijela sljedeći Zaključak:

- Komisija u cijelosti prihvata dokument Strategija razvoja omladinske politike 201-2024. godine sa tehničkim ispravkama i upućuje ga Vijeću na razmatranje.

Otvorena je rasprava u kojoj su iznijeli svoja mišljenja, stavove, sugestije prijedloge i mišljenja vijećnici: Krno Riđić, predsjedavajući OV Adis Čizmo (sugeriše nadležnim koji su radili na izradi

dokumenta da uvažuje i dopune dokumenta sa prijedlozima vijećnika, kao i da se u toku godine raspiše par poziva prema mladima kako bi mogli aplicirati sa svojim poslovnim idejama, o istom dao pojašnjenje), Safeta Muftić, Mirnes Ajanović, Branko Romić, Općinski načelnik Zdravko Marošević, Branko Romić (replika) i Elvir Rožajac.

Općinski načelnik Zdravko Marošević dao je dodatno pojašnjenje u vezi iznesenih diskusija i postavljenih pitanja u raspravi.

Zaključena je rasprava i predsjedavajući OV stavio je na izjašnjavanje Prijedlog Odluke o usvajanju Strategije omladinske politike na području općine Vareš za period 2019-2024. godine uz zaključke Komisije za pitanja mladih i Komisije za statutarna pitanja i propise.

Nakon izjašnjavanja vijećnika predsjedavajući OV konstatuje da je **jednoglasno sa (18 glasova „ZA“) usvojena**

***Odluka o usvajanju Strategije omladinske politike  
na području općine Vareš za period 2019-2024. godine.***

**Ad.5.**

*(Prijedlog Odluke o usvajanju Strategije razvoja kulture, turizma i sporta  
na području općine Vareš za period 2019-2024. godine.)*

Komisija za statutarna pitanja i propise na 17. sjednici održanoj 25.03.2019. godine jednoglasno je donijela sljedeći Zaključak:

- Komisija nema primjedbi na Prijedlog Odluke o usvajanju Strategije razvoja kulture, turizma i sporta na području općine Vareš za period 2019-2024. godine, te je upućuje Vijeću na razmatranje.

Ispred grupe za izradu Strategije gosp. Šeila Musa u svom obraćanju upozнала je Vijeće o tehničkim greškama i određenim podacima koji će u finalnoj verziji dokumenta biti ispravljani i dopunjeni.

Otvorena je rasprava u kojoj su iznijeli svoja mišljenja, stavove, sugestije prijedloge i mišljenja vijećnici: Kruno Riđić (skrenuo pažnju na provedenu online anketu i stečke u MZ Budoželje), Mirnes Ajanović (skrenuo pažnju na divlje deponije i loše puteve, fasade i sl.), predsjedavajući OV Adis Čizmo (skrenuo pažnju na zimski turizam), Elvir Rožajac (potrebno je maksimalno angažovanje općinskih službi u provedbi Strategije), Nikola Šimić (loša infrastruktura utiče na razvoj turizma), Branko Romić (Strategiju potrebno staviti u realne okvire) i rukovodilac JURA Rusmir Berberović (podsjetio je prisutne na kulturna dešavanja na našoj općini).

Zaključena je rasprava i predsjedavajući OV stavio je na izjašnjavanje Prijedlog Odluke o usvajanju Strategije razvoja kulture, turizma i sporta na području općine Vareš za period 2019-2024. godine uz zaključak komisije za statutarna pitanja i propise.

Nakon izjašnjavanja vijećnika predsjedavajući OV konstatuje da je **jednoglasno sa (18 glasova „ZA“) usvojena**

***Odluka o usvajanju Strategije razvoja kulture, turizma  
i sporta na području općine Vareš za period 2019-2024. godine.***

#### **Ad.6.**

*(Prijedlog Odluke o otpisu potraživanja po osnovu Ugovora o kupoprodaji stana OPU-IP: 27/11 od 25.01.2011. godine.)*

Ispred predlagača Ermin Musa pomoćnik načelnika dao je dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o otpisu potraživanja po osnovu Ugovora o kupoprodaji stana OPU-IP: 27/11 od 25.01.2011. godine.

Nakon izjašnjavanja vijećnika predsjedavajući OV konstatuje da je **jednoglasno sa (18 glasova „ZA“ ) usvojena**

***Odluka o otpisu potraživanja po osnovu Ugovora o kupoprodaji stana OPU-IP: 27/11 od 25.01.2011. godine.***

#### **Ad.7.**

*(Prijedlog Zaključka o davanju saglasnosti Općinskom načelniku za zaključivanje Ugovora o otplati kreditnog zaduženja za Lulić (Kadrije) Envera iz Stupnog Dola, Vareš Majdan.)*

Ispred predlagača Ermin Musa pomoćnik načelnika dao je dodatno pojašnjenje za ovu tačku dnevnog reda i upoznao prisutne sa izmjenom člana 3. u Ugovoru (*član 3. „Ugovorene strane su saglasne da će se nakon izgradnje stambenog objekta, isti prenijeti u korist Općine Vareš“.*)

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Zaključka o davanju saglasnosti Općinskom načelniku za zaključivanje Ugovora o otplati kreditnog zaduženja za Lulić (Kadrije) Envera iz Stupnog Dola, Vareš Majdan uz izmjenu člana 3.

Nakon izjašnjavanja vijećnika predsjedavajući OV konstatuje da je **sa 17 glasova „ZA“ i 1 „SUZDRŽANIM“ glasom usvojen**

***Zaključak o davanju saglasnosti Općinskom načelniku za zaključivanje Ugovora o otplati kreditnog zaduženja za Lulić (Kadrije) Envera iz Stupnog Dola, Vareš Majdan***

Predsjedavajući OV dao je pauzu u trajanju od 30 minuta.

Nastavljeno je sa radom sjednice.



#### **Ad.8.**

*(Analiza implementacije Strategije razvoja poljoprivrede općine Vareš za period 2014-2018. godine.)*

Otvorena je rasprava u kojoj su svoja mišljenja, primjedbe i pitanja iznijeli vijećnici: Dženan Džafo (predložio da se u Strategiju razvoja poljoprivredne proizvodnje 2019-2024. uvrste predloženi zaključci koji se nalaze u Analizi), Elvir Rožajac i Branko Romić.

Zaključena je rasprava i predsjedavajući OV i predsjedavajući konstatuje da je Vijeće **primilo k znanju**

*Analizu implementacije Strategije razvoja poljoprivrede općine Vareš za period 2014-2018. godine*

*uz Zaključak*

- *da se u vidu dopune u Strategiju razvoja poljoprivrede općine Vareš za period 2019-2024. godine, ugrade predložene mjere navedene u Analizi implementacije Strategije razvoja poljoprivrede općine Vareš za period 2014-2018. godine.*

#### **Ad.9.**

*(Prijedlog Zaključka o produženju perioda provođenja Strategije razvoja poljoprivredne proizvodnje na području općine Vareš za period 2014-2018. godine.)*

Otvorena je rasprava u kojoj je učestvovao vijećnik Kruno Ridić koji je iznio problem uzgoja malina i sugerisao da se provođenje Strategije prilagodi okolnostima. Dao je pojašnjenje.

Zaključena je rasprava i predsjedavajući OV, *uz sugestiju da se u Strategiju uvrsti oblast i problematika u vezi malinarstva*, stavio je na izjašnjavanje Prijedlog Zaključka o produženju perioda provođenja Strategije razvoja poljoprivredne proizvodnje na području općine Vareš za period 2014-2018. godine.

Nakon izjašnjavanja vijećnika predsjedavajući OV konstatuje da je sa **17 glasova „ZA“ i 1 „SUZDRŽANIM glasom usvojen**

*Zaključak o produženju perioda provođenja Strategije razvoja poljoprivredne proizvodnje na području općine Vareš za period 2014-2018. godine.*

## Ad.10.

*(Program utroška sredstava sa kriterijima raspodjele sredstava „Subvencije za razvoj poljoprivrede“ utvrđenih budžetom Općine Vareš za 2019. godinu.*

Komisija za privredu, finansije i budžet na 14. sjednici održanoj 25.03. 2019. godine jednoglasno je donijela Zaključak:

- Komisija prihvata Program utroška sredstava sa kriterijima raspodjele sredstava „Subvencije za razvoj poljoprivrede“ utvrđenih budžetom Općine Vareš za 2019. godinu uz preporuku Općinskom načelniku da se izvrši izmirenje dugovanja za poljoprivredne poticaje iz prethodnih godina.

Otvorena je rasprava u kojoj su svoja mišljenja, pitanja, sugestije, prijedloge i primjedbe iznijeli vijećnici: Dženan Džafo, Kruno Riđić, Mirnes Ajanović (predložio je da bi bilo potrebno da komisija izađe na teren i utvrdi činjenično stanje i mogućnosti kako bi se mogli subvencionirati realni proizvođači), Safeta Muftić (predložila je Vijeće donese zaključak da se Općinskom vijeću dostavi povratna Informacija o implementaciji sredstava koja su data za razvoj poljoprivrede, dala je pojašnjenje) i Đemo Kevrić.

Vijećnik Dženan Džafo ispred službe za privredu izjavio je da za *narednu sjednicu može dostaviti informaciju o robnoj realnoj proizvodnji i strukturi*. O istom je dao pojašnjenje.

Općinski načelnik Zdravko Marošević u svom obraćanju dao odgovor vijećnici Safeti Muftić da se do traženih podataka teško može doći o čemu je dao i pojašnjenje. Mišljenja je da poljoprivreda na našoj općini, može se koristiti samo u turističke svrhe i da je potrebno uozbiljiti materiju eventualnim osnivanjem poljoprivrednih zadruga.

Zaključena je rasprava i predsjedavajući OV stavio je na izjašnjavanje Program utroška sredstava sa kriterijima raspodjele sredstava „Subvencije za razvoj poljoprivrede“ utvrđenih budžetom Općine Vareš za 2019. godinu uz zaključak Komisije za privredu, finansije i budžet.

Nakon izjašnjavanja vijećnika predsjedavajući OV konstatuje **da je sa 15 glasova „ZA“ i 1 „SUZDRŽANIM“ glasom** (odsutni vijećnici Emir Islamović i Kenan Kamenjaš) **usvojen**

***Program utroška sredstava sa kriterijima raspodjele sredstava „Subvencije za razvoj poljoprivrede“ utvrđenih budžetom Općine Vareš za 2019. godinu.***

## Ad.11.

*(Izveštaj o radu Savjeta mjesnih zajednica sa područja općine Vareš u 2018. godini.)*

Otvorena je rasprava u kojoj su svoja mišljenja, prijedloge, primjedbe, sugestije i pitanja iznijeli vijećnici: Kruno Riđić (sugerisao da bi se trebalo svakoj mjesnoj zajednici obezbijediti minimalan dio sredstava za njihovu održivost, minimalne aktivnosti), Elvir Rožajac, Nedžad Mušanović (u skorijoj budućnosti pokušati obezbijediti prostor za rad i onim

mjesnim zajednicama koje prostor nemaju), Safeta Muftić (postavila pitanje-koliko MZ Brgule ima stanovnika koji aktivno žive na toj MZ), Đemo Kevrić, Mirnes Ajanović (iznio neke probleme rubnih mjesnih zajednica - održavanje puteva, potreba postavljanja kontejnera) i Branko Romić.

Općinski načelnik Zdravko Marošević u svom obraćanju odgovorio je na neka pitanja postavljena u rasprava, dao dodatna pojašnjenja u vezi određenih vidova pomoći mjesnim zajednicama koje nisu prikazane u Izvještaju jer nisu išle direktno preko računa mjesnih zajednica, nego se za nabavku materijala, određene radove plaćalo na račun dobavljačima i izvođačima radova. O istom je dao pojašnjenje.

Predsjedavajući OV Adis Čizmo sugerisao je Općinskom načelniku, ako postoji mogućnost, da Općinske službe tokom godine vode evidenciju o indirektnom ulaganju Općine u mjesne zajednice, tako da Vijeće uz redovni Izvještaj dobije i dopunski izvještaj, odnosno evidenciju o direktnom i indirektnom ulaganju Općine u mjesne zajednice.

Općinski načelnik na osnovu diskusije predložio je da Vijeće donese ***Zaključak - Zadužuje se Služba za privredu, finansije i trezor da za svaku mjesnu zajednicu općine Vareš otvori analitičku karticu koja će pratiti ulaganja u istu.***

U daljnjoj raspravi su učestvovali vijećnici: Safeta Muftić (dala pojašnjenje na pitanje koje je postavila u raspravi), Općinski načelnik Zdravko Marošević, predsjedavajući OV Adis Čizmo, Kruno Riđić (replika), Mirnes Ajanović (replika) i Elvir Rožajac (replika).

Zaključena je rasprava i predsjedavajući OV stavio je na izjašnjavanje Izvještaj o radu Savjeta mjesnih zajednica sa područja općine Vareš u 2018. godini uz

#### **Zaključak:**

**- Zadužuje se Služba za privredu, finansije i trezor da otvori analitičku karticu za svaku mjesnu zajednicu na kojoj će se voditi evidencija finansiranja Općine Vareš prema mjesnim zajednicama i da se uz idući Izvještaj o radu Savjeta mjesnih zajednica sa područja općine Vareš, Vijeću dostavi i dopunski izvještaj o investicijama u mjesne zajednice od strane Općine Vareš.**

Nakon izjašnjavanja vijećnika predsjedavajući OV konstatuje da je sa **13 glasova „ZA“ i 3 „SUZDRŽANA“ glasa** (odsutni vijećnici Kenan Kamenjaš i Emir Islamović) **usvojen predloženi Zaključak i**

#### ***Izvještaj o radu Savjeta mjesnih zajednica sa područja općine Vareš u 2018. godini.***

#### **Ad.12.**

*(Izvještaj o stanju zaštite od požara na području općine Vareš sa akcentom na realizaciju Plana zaštite od požara.)*

Otvorena je rasprava u kojoj su iznijeli svoja mišljenja prijedloge i sugestije vijećnici: Kruno Riđić ( problem sa dimnjacima K - objekti i O - objekti, staviti u funkciju hidrante, osigurati potrebne količine vode), predsjedavajući OV Adis Čizmo ( predložio zaključak da Služba za civilnu zaštitu pismenim putem obavijesti JKP d.o.o. Vareš i JP Vareš- stan o obavezama koje proizilaze iz ovog Izvještaja) i Branko Romić (sugerisao da se u školama organiziju obuke u vezi ove materije).

Općinski načelnik Zdravko Marošević u svom obraćanju skrenuo je na odgovornost građane u vezi preventivnih mjera zaštite od požara.

Zaključena je rasprava i predsjedavajući OV stavio je na izjašnjavanje Izvještaj o stanju zaštite od požara na području općine Vareš sa akcentom na realizaciju Plana zaštite od požara uz

#### **Zaključak:**

- **Zadužuje se Služba za civilnu zaštitu da pismenim putem obavijesti JKP d.o.o. Vareš i JP „Vareš-stan“ d.o.o. Vareš o obavezama koje proizilaze iz Zakona o zaštiti od požara.**

Nakon izjašnjavanja vijećnika predsjedavajući OV konstatuje da je uz **predloženi Zaključak jednoglasno sa (15 glasova „ZA“)** (odsutni vijećnici Emir Islamović, Mirnes Ajanović i Kenan Kamenjaš) **usvojen**

#### ***Izveštaj o stanju zaštite od požara na području općine Vareš sa akcentom na realizaciju Plana zaštite od požara.***

#### **Ad.13.**

*(Izveštaj o rješavanju upravnih stvari u upravnom postupku svih općinskih službi za upravu u 2018. godini.)*

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Izvještaj o rješavanju upravnih stvari u upravnom postupku svih općinskih službi za upravu u 2018. godini.

Nakon izjašnjavanja vijećnika predsjedavajući OV konstatuje **da je jednoglasno sa (14 glasova „ZA“)** (odsutni vijećnici Emir Islamović, Kenan Kamenjaš, Mirnes Ajanović i Ilhana Fatić) **usvojen**

#### ***Izveštaj o rješavanju upravnih stvari u upravnom postupku svih općinskih službi za upravu u 2018. godini.***

#### **Ad.14.**

*(Izveštaj Komisije za procjenu prometne vrijednosti nekretnina za 2018. godinu.)*

Predlagač nije imao dodatno pojašnjenje za ovu tačku dnevnog reda.

U raspravi je učestvovao vijećnik Elvir Rožajac (postavio pitanje koliko je MZ Ravne dobila sredstava od prodaje nekretnina).

Zaključena je rasprava i predsjedavajući OV stavio je na izjašnjavanje Izvještaj Komisije za procjenu prometne vrijednosti nekretnina za 2018. godinu.

Nakon izjašnjavanja vijećnika predsjedavajući OV konstatuje **da je sa 13 glasova „ZA“ i 1 „SUZDRŽANIM“ glasom)** (odsutni vijećnici Emir Islamović, Kenan Kamenjaš, Mirnes Ajanović i Ilhana Fatić) **usvojen**

#### ***Izveštaj Komisije za procjenu prometne vrijednosti nekretnina za 2018. godinu.***

#### **Ad.15.**

*(Prijedlog Zaključka o davanju saglasnosti JU Centar za socijalni rad Vareš o otvaranju deviznog računa za uplatu sredstava stranih donatora.)*

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Zaključka o davanju saglasnosti JU Centar za Socijalni rad Vareš o otvaranju deviznog računa za uplatu sredstava stranih donatora.

Nakon izjašnjavanja vijećnika predsjedavajući OV konstatuje **da je jednoglasno sa (14 glasova „ZA“)** (odsutni vijećnici Emir Islamović, Kenan Kamenjaš, Mirnes Ajanović i Ilhana Fatić) **usvojen**

***Zaključak o davanju saglasnosti JU Centar za socijalni rad Vareš o otvaranju deviznog računa za uplatu sredstava stranih donatora.***

#### **Ad.16.**

*(Informacija o provedenim aktivnostima u okviru projekta „LIFE“ u 2018. godini.)*

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući **OV uz Zaključak konstatuje da je Vijeće primilo k znanju**

***Informaciju o provedenim aktivnostima u okviru projekta „LIFE“ u 2018. godini.***

#### **Ad.17**

*(Tekuća pitanja)*

Predsjedavajući OV upoznao je prisutne sa:

1. Zahtjevom za povrat spomen - ploče, broj: 04-005-03/19 od 23.02.2019. godine dostavljenog od Općinske organizacije boraca odbrambeno oslobodilačkog rata 92-95 Vareš. Sa zahtjevom je upoznat i Općinski načelnik.

Općinski načelnik u svom obraćanju podsjetio je prisutne da je spomen – ploča skinuta zbog građevinskih radova. Podržava inicijativu i sugeriše podnosiocu zahtjeva da u dogovoru sa predstavnikom UABNOR-a Vareš odrede mjesto gdje postaviti spomen-ploču, jer je i to udruženje ima ideju/prijedlog gdje postaviti spomen-ploču (spomenik u parku Osnovne škole). O istom je dao pojašnjenje.

2. Općinski načelnik upoznao je Vijeće da je Općinu Vareš, zbog dugogodišnje dobre saradnje, CRS i PRO-budućnost, uvrstili u akciju „Pomozimo Bihaću“. U akciju je uključeno još 15 općina iz cijele BiH. Akcija se sprovodi u vezi migrantske krize, a općine će svojim odlaskom u Bihać dati moralnu i finansijsku pomoć. U vezi toga Općinski načelnik je zatražio od OV da odobri njemu i predsjedavajućem OV potpisivanje agende o doniranju finansijske pomoći Općini Bihać u iznosu od 3.000 KM. Dao je pojašnjenje.

Predsjedavajući OV stavio je na izjašnjavanje sljedeći

**Zaključak:**

**Općinsko vijeće daje podršku Općinskom načelniku i odobrenje da se za izbjeglice u Bihaću doniraju sredstva u iznosu od 3.000 KM.**

Nakon izjašnjavanja predsjedavajući OV konstatuje da je predloženi **Zaključak jednoglasno sa 15 glasova „ZA“** (odsutni vijećnici Emir Islamović, Kenan Kamenjaš i Ilhana Fatić) **usvojen.**

Vijećnik Mirnes Ajanović iznio je svoje mišljenje u vezi prijedloga za lokaciju stavljanja spomen-ploče i izjavio, uz dato pojašnjenje, da je najbolje rješenje da inicijatori prijedloga nađu neku lokaciju u nekom parku ili sl. gdje bi se postavila spomen-ploča.

Predsjedavajući OV izjavio je da će se iznaći rješenje u dogovoru sa organizacijama.

Sastavni dio ovog Zapisnika je audio zapis sjednice.

Sjednica je završena u 19,15 sati.

***SEKRETAR***

**Leon Pavlović**

***ZAPISNIČAR***

**Azra Pijadžer**

***PREDSJEDAVALJUĆI  
OPĆINSKOG VIJEĆA***

**Adis Čizmo**